

SISTEOEI GEGET' IGAG CASCMTL NAGANIPONGECEOEI oetjategenig Migmag Lnog Pogtji Alasotmatischenig. 1610--1910

Sagepgeogisog gisna pieleohngeoei tepgenoset 24 tesogonitig 1610, tllisip maol sagmaoag migmagig tan oetjiltoitosenag 'Maopeltoog' (eoapsgig pgetesenogeogagig 'tetli' sigentasitag, nespi tlóltipenig gtegig tapoisgegsipenig Migmag Lnogoig, oentjoi patliasa Pleseio teli olalgotitsena. Togo oitjeli neotipongeg glapis 149 tesipenig, tjel mo lrim pegitjeenogsepe omaoi alasotmeohtineo tan tesipenig Migmag lnoegatig.

Netna ola tepgatig nenotetemen oetjigoiag neotipongeg 1910, sisteoel gasgemtelnaganipongegeoei.

Oetjategemg ógotj lnog metj negao teli oli matjolgatemitis ag nigetj gisgog oitjeli gesitetemititj osigentasotlmoóo. Tjel etog natel oetjiag metj nigetj oteli pigoelneo teli pigeloltipenig Galtieó temg pegisinlitig gespega, o'ólóltineo ag onetatasoltineo, gesg'gtegig niset tami lnog nagsi li gseगतjig. Piamio neo pitoi mtelnaganitjig gisgog gepegeogagig, pilei aglasieoagig, epegoitg, pgetesenogeogagig, onamagig ag misógo gtagamgog, tógo aptjio na tesipenig. Elp teli asitegsaltipenig negao oenotjga, tanga temg geginamagoititga ag mesnemagoititga telgigeg oleioaganeg, natel oetjiltoitj ontaoi pili mimatjoltineo; negemóo ógotj oenotjg teli maol mimatjoltipenig lnog nipeगतog, ngoteli nigetj lnog teli maol mimatjoltitjig sitemog oapóltitjig elogóoaganigtog.

Na otjil telitetemegsepe mesgig gisatjatón migoltetemaganeol maol pestieohmgel otjil pieleohmgoeol tepgenoset

So far their Lordships the Bishop of Rimouski and the Bishop of St. John have given a hearty approval to the intended Tercentenary Celebration.

(Adapted from the original French circular, for insertion in the Micmac Messenger.)

24 tesogonitj 1910, Sapatisoehmgel.

Teoapsgig eta tetli sigentasoltisenig. Eln tepetog ala magamigeo gisgog tan tetotjig aglasieog oetaligamiltjig, golaman mógoe natel gisi maol pestieoimig, mógoe natel gisi igatasig migoltetemaganeol gtjhpessgemgeoei. Meloitj Sent Ann Listogotjga, tan petjili msegig otan lnoegatig ag gesgeg magamigeo, 120 gtjiojsog, piamio 500 mimatjoltineo, netna patel meloitj oig-óontoltineo gmaoi pestieoatemotineo sist gesgemtelnaganipongegeoei migoltetemagan.

Natel Migmag Lnog ag elp oenotjg oetjilatitag nagela patliasa Plansoeocg anlapsolno sesagoltititj tani oetjil panatasigsepe amsgoesoeoi geginamoetóg-óom lnoegatig tan tetli ginamasoltipenig 30 oentjoi mitjoatjittjig ag tan tesipenig lno mitjoatjittjig ongioa elgimgoititga. Elp nemiatital ogomitjoal Sent Annaol, piamio gasgemtelnaganipongeg tetli gagamiltitjel megoaig onitjinga. Natel alasotmógoómei aolps-gatasigigtog getoi espipogoalot Setaneoi Pesgemgeoei tan ogtjil notjelo'geteo iaptjio. Tan oen getoi apógoenmatg na teli gelolg elogóoagan, gispatnteteg oigatigen. Tjogoagitmoatj patliasel tan telgig getoi igatóg, otjilatj omaoi msegigten migoltetemagan ag pestieohmg. Elp eta pgótti masgoatonetj solieoetjittj, ptjillo geneg eimog, ogtjilatj omaoi pigoelneo lnog tanig gisi igótemitlis. Lóg ollas tesig lno otanigtog neotetjil gisna taposittj, gisi papgatitlis; meta ma aptj iganog telamog pestieohmgoeol.

Glapis gisgog gotjinag gtjipatliassg lemotjligoatj ag menagoeseoatj mesol agnotemitlis tan teli oltitemititj ag tan teli olaptemititjel tesigel getoi tleimgel. Ag lóg oell sgipetemg gtegig oitjeli tli oltitettag, ag etog tjel alt negemóo tgóttag ag gionagatj lóg pig-oe'tag gotjinag patliassa.